

# Crynodeb o drafodaethau Cyngor Gwyddoniaeth yr Asiantaeth Safonau Bwyd ar 27 Mehefin 2019

Fe gyflwynodd Dirprwy Gyfarwyddwr Gwyddoniaeth yr ASB, yr Athro Rick Mumford, [weithredoedd a mesurau llwyddiant yr ASB](#) mewn ymateb i'r argymhellion a wnaed gan Weithgorau Un a Dau y Cyngor Gwyddoniaeth yn 2018. O ran y camau gweithredu sy'n ymwneud â risg, gwahoddwyd y Cyngor i drafod a chynghori ar sut y gallent ychwanegu gwerth a sicrwydd at y gwaith asesu risg y bydd yr ASB yn ei arwain ar ôl Ymadael â'r UE.

Fe wnaeth yr Athro John O'Brien roi diweddariad ar [Weithgor Tri](#). Yn dilyn yr adroddiad i Fwrdd yr ASB ar [risgiau'r system fwyd a sganio'r gorwel](#) a'r Bwrdd yn cymeradwyo'r argymhellion, bydd yr ASB yn datblygu model sganio'r gorwel strategol i nodi problemau neu faterion bwyd sylweddol sydd i ddod dros y pum i 10 mlynedd nesaf, ac adrodd yn ôl i'r Cyngor Gwyddoniaeth ar gynnydd mewn 12 mis. Fe wnaeth y Cyngor drafod pwysigrwydd data sector preifat i sganio'r gorwel yn effeithiol ac annog yr ASB i archwilio cyfleoedd i gael mynediad at yr wybodaeth hon.

Cyflwynodd yr Athro Patrick Wolfe ddiweddariad ar [Weithgor Pedwar](#). Mae'r gweithgor hwn yn archwilio defnydd data a thechnoleg ddigidol. Roedd trafodaethau Gweithgor Pedwar yn pwysleisio safonau data, prydlondeb, mynediad at ddata ac ymddiriedaeth.

Mae'r gweithgor yn bwriadu comisiynu dau ddarn o waith yn ystod cam dau eu gweithgarwch: un ar y posibilrwydd o greu a defnyddio 'Ymddiriedolaethau Data' yn y sector bwyd, a'r llall ar ddarparu crynodeb o'r datblygiadau arloesol diweddaraf o ran defnyddio dadansoddeg data gwell.

Cafodd y Cyngor ei ddiweddarau hefyd ar ddigwyddiad anwytho a gynhaliwyd ar gyfer holl aelodau Pwyllgorau Cynghori Gwyddonol yr ASB a chlywed am [allbynnau gweithdy sganio'r gorwel](#). Roedd y cyfarfod hwn yn cynnwys y 35 arbenigwr newydd a recriwtiwyd yn ddiweddar i ymuno â'r Pwyllgorau Cynghori Gwyddonol. Nododd y Cyngor fanteision rhyngweithio rhwng y Pwyllgorau Cynghori Gwyddonol. Mae cael gwahanol safbwyntiau proffesiynol yn golygu cyrraedd persbectif gwell ar broblem. Fe wnaeth y Cyngor gynnig y gallai digwyddiad blynyddol fod yn ffordd addas i'r Pwyllgorau Cynghori Gwyddonol gyfrannu at sganio'r gorwel.

Yn olaf, cafodd y Cyngor ei friffio ar drafodaethau diweddar Bwrdd yr ASB ar gynllun gwaith yr ASB yn y dyfodol o ran gorsensitifrwydd bwyd. Cytunodd y Cyngor y byddent yn mynd ati i drafod sut y gallent gyfrannu orau at hyn o fewn eu cylch gwaith.

Mae'r papurau a drafodwyd yn y cyfarfod agored ar gael i'w darllen ar [wefan y Cyngor Gwyddoniaeth](#) a bydd cofnodion yn cael eu cyhoeddi erbyn diwedd mis Gorffennaf.